

Datum: 28.04.2026.

Najava za medije

TI BIH ORGANIZUJE KONSULTACIJSKI FORUM O REFORMSKOJ AGENDI: BIH RIZIKUJE GUBITAK 373 MILIONA EURA ZBOG BLOKADA VLASTI

Sarajevo, 28. april 2026. godine – Transparency International u Bosni i Hercegovini (TI BiH) organizuje „**Prvi Konsultacijski forum o provedbi Reformske agende u BiH**“ (CONFRA BiH), s ciljem otvaranja dijaloga između institucija i civilnog društva o provedbi Reformske agende i Plana rasta za Zapadni Balkan u BiH.

Forum će okupiti predstavnike institucija BiH, Evropske unije, organizacija civilnog društva, socijalnih partnera, akademske zajednice i medija. Cilj je razgovarati o ulozi civilnog društva u provedbi i praćenju reformi, posebno nakon što nisu bili adekvatno uključeni u proces izrade Reformske agende.

CONFRA BiH će služiti kao platforma kroz koju se civilno društvo i drugi relevantni akteri mogu organizovati, pripremiti za uspostavljanje institucionalnog okvira za provedbu i doprinijeti ovom procesu kao konstruktivan partner, ali i kao korektivni faktor u praćenju ispunjavanja preuzetih obaveza.

Ovaj dijalog je posebno važan jer Bosna i Hercegovina, ukoliko do kraja godine ne provede reforme koje je prihvatila kroz Reformsku agendu, rizikuje da trajno izgubi čak 373 miliona eura namijenjenih za reforme i investicije. Forum će zato biti prilika da civilno društvo u direktnom razgovoru sa institucijama otvori pitanja odgovornosti, transparentnosti i konkretnih koraka potrebnih za ispunjavanje obaveza.

Učesnicima Foruma obratiće se evropska komesarka za proširenje Marta Kos, Luigi Soreca, šef Delegacije EU i specijalni predstavnik EU u BiH, Elvira Habota, direktorica Direkcije za evropske integracije BiH, te Zoran Zeljko, direktor Direkcije za ekonomsko planiranje.

Forum će se održati u **srijedu, 29. aprila 2026.** godine, u **Europe House, Maršala Tita 62 u Sarajevu**, sa početkom u **12:30 časova**.

Izjave za medije su predviđene u 12:00h.

Prvi Konsultacijski forum o provedbi Reformske agende u Bosni i Hercegovini (CONFRA BiH)

29. april 2026. godine

Europe House Sarajevo, Maršala Tita 62, Sarajevo

- 12:00 - 12:30** **Konferencija za medije, registracija učesnika i kafa dobrodošlice**
- 12:30 – 13:00** **Uvodna obraćanja**
- Nj.E. Marta Kos**, evropska komesarka za proširenje (online)
- Nj.E. Luigi Soreca**, šef Delegacije EU u BiH i specijalni predstavnik EU u BiH
- Ivana Korajlić**, izvršna direktorica, Transparency International u BiH
- 13:00 - 13:30** **Predstavljanje Reformske agende i institucionalnog okvira za provođenje Instrumenta za reformu i rast u BiH**
- Elvira Habota**, direktorica Direkcije za evropske integracije
- Zoran Zeljko**, direktor Direkcije za ekonomsko planiranje
- 13:30 - 13:45** **Učešće civilnog društva u praćenju implementacije, regionalna iskustva i mehanizmi učešća**
- Stefan Ristovski**, European Policy Institute Skopje, vodeći istraživač
- 13:45 - 14:55** **Diskusija sa učesnicima**
- modaliteti rada i koordinacija CONFRA BiH
 - tematski prioriteti i podjela uloga
 - kapaciteti i doprinosi organizacija učesnica
 - smisleno učešće civilnog društva u praćenju implementacije
- Moderator:** Edo Kanlić, menadžer za zagovaranje i javne politike, Transparency International u BiH
- 14:55 - 15:00** **Zaključna obraćanja i naredni koraci**